



ՄԱՅՐ ԱԹՈՒՈՒՄ

Փետրվարի 25-ին, կիրակի.—Մայր տաճարում ս. պատարագ է մատուցում տ. Հակոբ քհն. Հակոբյանը:

*
*

Փետրվարի 27-ին, երեքշաբթի.—Այսօր հոգևոր ճեմարանի հանդիսությունների սրահում Բյուրականի աստղադիտարանի գիտաշխատող տիկին Էմմա Բարսամյանը կարդում է հետաքրքիր դասախոսություն՝ «Տիեզերքի կառուցվածքը ժամանակակից գիտական լույսի տակ» թեմայով:

*
*

Մարտի 4-ին, կիրակի.—Բուն Բարեկենդան.

Մայր տաճարում, փակ սեղանի առաջ, ս. պատարագ է մատուցում տ. Արիս ծ. վրդ. Շիրվանյանը:

«Հայր մեր»-ից առաջ հոգեշունչ քարոզ է խոսում Վեհափառ Հայրապետը՝ շեշտելով Մեծ պահքի և ապաշխարության խորհրդի կարևորությունը հավատացյալի հոգևոր ու քարոյական կատարելության ճանապարհի վրա:

*
*

Մարտի 7-ին, չորեքշաբթի.—Այսօր Մայր տաճարում առավոտյան պաշտամունքին

կից սկսվում է «Զկարգ ապաշխարության» և Արևագալի հանդիսավոր ժամերգությունը՝ Վեհափառ Հայրապետի նախագահությամբ:

*
*

Նույն օրը ուխտավորաբար Մայր Աթոռ է ժամանում ս. Էջմիածնի միաբան տ. Ոսկան ծ. վրդ. Գալթակյանը:

*
*

Մարտի 11-ին, կիրակի.—Քառասնորդական պահոց (Արտաքսման կիրակի).

Մայր տաճարում ս. պատարագ է մատուցում տ. Աղան վրդ. Բալեղյանը: «Հայր մեր»-ից առաջ քարոզում է տ. Տիրան արդ. Կյուրեղյանը՝ «Որ զօրենս սրբության պահոց նախ ի դրախտին առանդեցեր» (Ծարական) բնաբանով:

*
*

Մարտի 18-ին, կիրակի.—Քառասնորդական պահոց (Անառակի կիրակի).

Մայր տաճարում ս. պատարագ է մատուցում տ. Մուշեղ վրդ. Պետիկյանը: «Հայր մեր»-ից առաջ քարոզում է տ. Արիս ծ. վրդ. Շիրվանյանը՝ «Հայր, մեղայ յերկինս և առաջի քո» (Ղուկ. ԺԵ 18) բնաբանով:

Մարտի 24-ին, շաբաթ.—Տօն է սրբուն Գրիգորի Լուսավորչին մերոյ սոսկալի չարանացն և մտին ի վիրապն.

Մայր տաճարում ս. պատարագ է մատուցում տ. Աղան վրդ. Բալեղյանը:

Նույն օրը հոգևոր ճեմարանի ուսանողությունը ուխտի է գնում Խորվիրապ, ուր ս. պատարագ է մատուցում հոգևոր ճեմարանի փոխ-տեսուչ տ. Արիս ծ. վրդ. Ծիրվանյանը և քարոզում ս. Գրիգոր Լուսավորչի առաքելական և քարոզչական գործունեության մասին Հայոց աշխարհում 301—325 թվականներին:

Ս. պատարագին ներկա են լինում հոգևոր ճեմարանի ուսանողությունը, դասախոսական կազմը և բազմաթիվ ուխտավորներ:

Նույն օրը, երեկոյան, Մայր Աթոռ է ժամանում Հայաստանյայց եկեղեցու Միջեկեղեցական հարաբերությունների բաժնի վարիչ տ. Արսեն ծ. վրդ. Բերբերյանը, որը մեկնել էր Լոնդոն՝ ստանալու փիլիսոփայության դոկտորի իր վկայականը:

«Էջմիածին» ամսագրի խմբագրությունը ջերմորեն շնորհավորում է տ. Արսեն ծ. վրդ. Բերբերյանին այս փալլուն հաջողության առիթով և բարեմաղթում նրան նորահաջողություններ իր ապագա եկեղեցանվեր գործունեության ճանապարհի վրա:

Մարտի 25-ին, կիրակի.—Քառասնորդական պահոց (Տնտեսի կիրակի).

Մայր տաճարում ս. պատարագ է մատուցում տ. Գևորգ վրդ. Սերայդարյանը: «Հայր մեր»-ից առաջ քարոզում է տ. Ոսկան ծ. վրդ. Գալբակյանը՝ «Ամմիս, լալս գիշերի զոգիդ ի քէն ի բաց պահանջիցեն, իսկ զոր պատրաստեցերն ո՞ւմ լինիցի» (Լուկ. ԺԲ 20) բնաբանով:

